

COVID-19 TES NON IMW IFA USUN OMW KOPWE WEWEITI PWUNGUN OMW TES

April 13, 2022 1:32 PM CHUUKESI

Ika pwe mei pwosetif pwungun ai tes?

A wor ewe mwonun samwau non inisumw iwe mei tongeni epwe chéú ngeni ekkoch, ika mwo pwe ese wor reomw ekewe esinen samwau. Ika mwo pwe mei unus omw apwos ika ese unus, kopwe:

1. Nomweti non imw, me nukun uchok ika kopwe no churi noumw tokter fan iten omw samwau. Eimwukénó seni chóchchón non imwomw non úkúkún 5 ran. Mwurin 5 ran, ka tongeni tou seni imw ike pwe:
 - Ese chuen wor reomw waten pwichikar non ukukun 24 awa kose pwan ún safean akúkúnanó pwichika me a kúkúnti omw kewe samwau me pwan eochunó, PWAN
 - Ka tongeni omw kopwe sopwenó me eae túkútúkún wón maas nupwen omw nomw unukun ekkoch epwe pwan kapacheta 5 ran. Ika kose tongeni kopwe aea túkútúkún wón maas, iwe sopwenó me eimwukénó non pwan 5 ran epwe pacheta.
 - Ei anúk mei awenewen ngeni chomwong aramas. Ika pwe ke kan angang non ekan nei mei wate afeiengawan an epwe cheuno samwau aweve ren non pioing, iwe mei eueha kopwe atamanó ranin omw imwunó. Eisini chon non omw nenien angang.
2. Mwtir me kokori noumw tokter. Mei tongeni an epwe wor aninis ren pekin safei repwe ngonuk e anongonong wón ierumw/me omw samwau, me ekkoch aninis ren pekin safei ren COVID-19 epwe poputa non 5 ran an a poputa ekewe esinen samwau. Ika ese wor noumw tokter, kokori 211 ar repwe anisuk me kuta ngonuk emon.
3. Esinesin ngeni io kewe ir mei nomw unukumw me chóchchón non imwomw pwe en mei tes pwosetif. Fansoun omw esinesin a men eueha! Ir mei tongeni fori ekewe angangen tumwun an epwe akukunatiw chéúnón COVID-19 ren ar repwe aea túkútúkún wón maas nupwen omw nomw unukun ekkoch me angei tes. Ir mei tongeni kuna ekkei tichikin pworous wón an county public health wepsait ika kokori 211.
 - Ika mei wor reomw ekewe esinen samwau: Kokori ekewe aramas ir mei nomw unukumw non ekewe 2 ran mwen an pwopwuta omw kewe samwau.
 - Ika ese wor reomw akomwan ika iei ekewe esinen samwau: Kokori ekewe aramas ir mei nomw unukumw non ekewe 2 ran mwen an pwopwuta me mwen ow angei ewe tesin COVID-19.



Ifa usun ai upwe esinesin ika mei pwosetif ai tes?

Ika omw na angang en mei nomw unukumw ekkoch aramas, iwe kopwe esinesin ngeni omw na nenien angang ren aninisin an epwe eúkú cheunon COVID-19. Iwe me nukun, kose pwan niit omw kopwe esinesin pwe mei pwosetif omw tes me non imw ngeni ekkoch.

Ika mei wor omw kapas eis ika niit aninis me mochen omw kopwe pworous ngeni public health fan iten pwungun omw tes mei pwosetif, en mei tongeni kokori ika email ngeni Multnomah Public Health wón 503-988-3406 ika diseasereport@multco.us. Ir mei tongeni anisuk ar repwe esinesin ngeni omw nenien angang ika io kewe en mei nomw unukumw, kuta pekin aninis ren omw kopwe nomweti non imw, me anisuk ren ekkoch omw kapas eis ika mei wor.

Angei ekkoch tichikin pworous fan iten tumwun inis ika aninis ren imwunó me kwarantín wón ewe Oregon Health Authority's Positive COVID Test wepsait <https://govstatus.egov.com/or-oha-covid-19-positive-test> ika kokori ewe Case Support Hotline (Ei Nampan phone re kan awora aninisin ngeni io met tori samwau) 866-917-8881.

Nge ika pwe mei neketif pwungun ai tes?

Ika pwe en mei mefi samwau kopwe chok nomwetiwi non imw me imwuno seni ekkoch tori an eochuno, ika mwo pwe omw tes mei neketif.

Ika pwe en mei nomw unukun emon mei uri COVID-19, iwe mei toruk ewe menun samwau iwe ekkoch ir mei tongeni semwen reomw. Me nukun ika uchok ika ke nomw ika angang non ekan neni mei wate afeingawan ewe samwau, aweve ren pioing ika nenien safei ika ika ekan ekkoch neni nenien mei samwau, iwe kose pwan niit omw kopwe kwarantin.

- Katon ika epwe wor reomw ekewe esisinen samwau non 10 ran anea seni ewe ran a toruk ewe monun samwau. Ekieki ia kopwe nomw ia pwan ién kopwe nomw únúkún. En mi tongeni sopwenó me tumwunu ekewe aramas mei wate afeingawan ei samwau ngenir ren watten COVID-19 ren omw kopwe akukunatiw omw nomw nein aramas ika aea tukutukun wón maas non ukukun 10 ran.
- Ika pwe en mi angei ewe tes non imw, en mi pwan tongeni chunó ren noumw tokter omw kopwe angei sefan tesin COVID-19 ika pwan angei sefan ewe tes me non imw mwurin 1-2 ran me mwurin.

Esisinen ewe samwau COVID-19 mei pachenong:

- Waten pwichikar ika féú
- Mwor
- Mwiengas ika weires fetanin ngasangas
- Waten apwangapwangen non inis
- Metekin futuk ika metek non inis
- Metekin mékúr
- Minafen omw kose chuen neni ika fareni mwongo
- Metekin non chior
- Wate mwongomwong ika ngútúpwot
- Eningaw ika mwus
- Feiseni

Kokori 911 ika mei wor reomw ekei esisinen samwau:

- Weires fetanin ngasangas
- Metek ika ngútúnó me fanimwar ika non nuk
- Ese chún tongeni ún ika oromanong konik
- Winifetá sokukun non mékúr ika weires me pwáátá ika nenó
- Éénú araw ika pwechetiw me wón túnawomw ika wón mesomw

